



ATASSUT

EM 2015/93

Steen Lynge

18. 11. 2015

Folkehøjskolelet pillugit oqallinnissamik siunnersuut. Folkehøjskelinik siunnerfinnik isumaliuutersuutit toqqammavigalugit folkehøjskolelet ingerlatsiinnarnissaat anguniarlugu politikikkut qanoq ikorfartuisinnaavugut? Politikikkut iliuusissat suut aqqutigalugit tunngaviusumik periusissatut toqqammavissat ersarinnerusut qanoq suliniutissat ingerlanneqarsinnaappat, tamatumani folkehøjskolenik isumaliuutersuutinik toqqammaveqarnerit anersaakkut tunngaviusut qaffassarneqarsinnaappat?

(Inatsisartunut ilaasortaq Sara Olsvig, Inuit Ataqatigiit)

Atassut-miit oqallisissiatut siunnersuuteqartoq sammisamik matuminnga qujaffigaarput.

Atassut-miit isumaqataaffigaarput højskole-qarneq pingaaruteqarmat inuiaqatigiinnut. Højskole-qarnerup isumagiuaannarnikuuaa inuiaqatigiit Højskole-qarnermikkut innuttaasut qaammaasaqarnissaannut kivitseqataanissaq, tassuunakkullu aamma inuiaqatigiittut qanoq aqqqissuusaaanerput. Taamaasilluni Højskole-qarnitta innuttaasut suli pitsaannerusumik aqqutissiuutitsissmmat demokratiip aqqani akuufeqarnissamut. Taamaattorli piffissap ingerlanerani Højskole-qarneq inuttut qanoq ineriartorfissatut sammiveqartinneqarnerulernikuulluni, malitsigisaanillu atuarfiit ataasiakkaat tassunga tungaanut immikkut sammivilersornikuullutik.

Taamatut ammasorujussuarmik Højskole-t ineriartornissaminnut kiffaangissuseqarnerat inerisaqqinneqarpoq, ukioq 2010 aamma periarfissarilermassuk neqeroorutigisinnaallugu karakter-iliilluni atuarfimiissinnaanermik. Taamaasilluni ukiuni makkunani Højskole-t ammasorujussuarmik periarfissaqartinneqarput qanoq ukiumiit ukiumut sutigut qanorlu sinaakkuusiisarnissaminnut.

Matumani oqallisissiatut siunnersuuteqartup siunertaralugu qaqilerpaa qanoq politik-ikkut Højskole-t tunuliaqutserneqarsinnaanersut, tassuunakkut Højskole tunngaviusumik siunertaminnut atuutsinneqarnissaat, imatuunngitsorlu karakter-iliilluni atuarfimiisitsisinnaanermik toqqammaveqartitaasariaqarnissaq, pissutigalugu aningaasarnikkut angumassinnaanissammut aqqutissiimmat.

Matumani oqallisissiatut siunnersuutip toqqammavigaa aningaasatigut atugassaqartitaanermut tunngasoq. Oqallisissiatut siunnersuuteqartup toqqaannartumik Inatsisartunut apeqqutigisimasinnaagaluarpaa tapersorsorneraat matumani qaqiliiffigisaa, tassalu Højskole-t ukiuni makkunani qanoq toqqaanissamut aaliangersaaffigineqareernersut karakter-iliilluni ingerlatseriaaseqarnissamut, taavalu karakter-iliinani ingerlatseriaaseqannginnissamut.

Naalackersuisut akissuteqaatiminni paasissutisseeqqammerput qanoq Højskole-t aningaasaqarnikkut toqqammaviligaanersut. Højskole-t aningaasaqarnikkut atugarisaat Efterskole-nut sanilliullugu, taakkuuppummi karakter-iliilluni ingerlatsissasut suli qaffasinnerujussuarmik. Oqaatigisariaqarpoq Efterskole-nik ingerlatsisut peqataanissamut akiliuteqarnissamut piumasaqaateqarsinnaatitaammata.



Taamatut Højskole-t aamma akiliuteqartitsisinaanissamut piumasaqaateqarsinnaatitaanerat Naalakkersuisut akisuttaanni ersinngilaq. Tamannalu tunngavigalugu Atassut-miit Naalakkersuisunut apeqquteqaatigerusupparput Højskole-t, Efterskole-tulli akiliuteqartitsisinnaatitaanersut pikkorissaatitsiffissaminnut, taamaassimappallu pikkorissaatitsiffissat sorliit pineqarnersut.

Taamatut oqaaseqáreerluta apeqqut saqqummertoq unaavoq inuiaqatigiinni akissaqartinneripput, pikkorissaatitsinerit karakter-iliiffiunngitsut, ilinniaqqinnissanullu aqutissiuussinngitsullusooq, tassuunakkullu qaavqatigut inuttut piginnaasatigut inerisarnerit Højskole nalinginnaasumik ingerlatarisaannut.

Atassut tamatumunnga aaliangiisuusumik akissutissaqanngilaq. Tamatumunnga tunngaviuvoq inuusuttut amerlavallaat meeqqat atuarfianniit qimaguttarnerat pisariaqartitaasunut naammaginaruusumik piginnaasaqaratik. Ukiuni makkunani Efterskole-t aamma Højskole-t inuusuttatsinut karakter-itigut aqutissiuussisussatut periarfissiussutissatut atorpagut, taamaasillutik ilinniartitaanikkut ingerlaqqiffimmiinniassammata.

ATASSUT-miit siusinnerulaartukut ersarissumik saqqummeereernikuuvoq, sulilu saqqummiuteqqikkusullugu pisariaqartinneqarmat meeqqat atuarfianni 11. klasse-p eqquteqqinneqarnissaa.

Tamanna inuusuttatsinut amerlanerpaanut karakter-iliilluni periarfissaliissammat meeqqat atuarfianiit qimagutinnginnermi, tassuunakkullu Piereersarfinni, Efterskole-ni aamma Højskole-ni utaqqsitut inissitaannginnissamut aqutissiuussammat, pineqaannarpormi meeqqat aturfianni karakter-itigut pissarsiarisimasaniit qaffassaaneq.

Atassut-miit pingaartipparput Højskole-qarneq pisariaqartuummat. Innuttaasunut tamaginnut Højskole-qarnissap toqqammavia Grundtvig-miit sammiviligaavoq, siunertaallunilu innuttaasut periarfissaqartinneqarnissaat qaammarsaavigineqarnissaat demokratiip aqqani, taavalu qanoq inuiaqatigiittut ilusiligaasimanerput pillugu.

ATASSUT-mut pingaaruteqarnerpaammat ersarissaavigerusupparput, meeqqat atuarfiata qaffassarnissaa, tassanerpiarlu aaliangiullugu 11. klasse-p periarfissatut ammasumik atuutsinneqaleqqinnissaa.

11. klasse-p ilusilernissaa imaassaasoq takorloorparput, ukioq atuarfiussasoq sammiviutinneqarluni fagitigut qaffassaanissaq, tassani pineqarluni ingerlaqqinnissamut aqutissiuussisutut, taamatullu 11. klasse imatut ilusiligaassalluni atuartut toqqarsinnassallugu timikkut sammisat imaluunniit nutaaliarluni pilersitsisinaanermut sammisaqarneq.

Tassuunakkut qulakkeerneqassammat aamma atuartut atuarusussuseqarnissaat, taamaasilluni 11.klasse tikillugu meeqqat atuarfianniissinnaalluni, pinngitsoortinneqarlunilu meqqat atuarfiat qimallugu piginnaasatigut pisariaqartunik amikkisaarfigalugu, tassuunakkullu Piereersarfiit allalluunniit aqutiginiarsarisussanngorlugit.



Taamatut oqaaseqaateqarluta Atassummiit massakkumiit tikkuussiniangilagut iluarseriaataasussanik aaliangersimasunik, pissutigalugu Atassut isumaqataammat Naalackersuisut Højskole-nut oqaloqateqarnissamut ingerlassaqalernissamut pilersaarutaannut, taamatullu Efterskole-nut matussuserumallugu aningaasaqarnikkut atugassarisaat allatigullu pisariaqartitaat. Taamaasilluni tassuunakkut politik-ikkut siunissamut aqqutissiuussisoqassammat qanoq qanorpiarlu aaliangersaasinnaanissatsinnut

Qujanaq oqaaseqarnitsinnut!